

Kikis persepsi negatif OKU

■ Masyarakat sukar terima kumpulan istimewa sering dianggap menyusahkan

Asrizal Aris

asrizalaris@hmetro.com.my

Serdang

Masyarakat negara ini yang menganggap bayi dilahirkan sebagai orang kurang upaya (OKU) berpunca hukum karma ibu bapa dikelaskan sebagai cetek pengetahuan.

Presiden Persatuan Orang Kota Bharu OKU, Dr Nor Wahiza Abdul Wahat berkata, masih ada kumpulan individu yang kurang peka dengan persekitaran menganggap

anak OKU berpunca dari pada sikap atau kelakuan ibu bapa.

"Walaupun berada di zaman moden, ada segelintir masyarakat yang masih mempercayai tingkah laku ibu bapa dan langgar pantang larang ketika mengandung menyebabkan bayi dilahirkan sebagai OKU."

"Banyak tanggapan yang dilontarkan kepada pelajar (OKU) saya selepas melihat keadaan fizikal mereka yang lain daripada manusia normal," katanya selepas program Komuniti Inklusif Sri Serdang di Institut Pengajian Sains Sosial, Universiti Putra Malaysia (UPM), di sini, semalam.

Katanya, persepsi orang ramai seperti itu menjadi pe-

nyebab masyarakat di negara ini sukar menerima golongan OKU dan menganggap kumpulan istimewa ini menyusahkan.

"Masyarakat negara ini perlu menerima dan memberi sokongan kepada golongan OKU kerana itu membuat mereka lebih yakin untuk menjadi seorang insan yang berguna."

"Jangan pinggirkan mereka, tetapi beri peluang bekerja supaya mereka tak dianggap hanya layak untuk meminta derma dan menjual tisu sahaja," katanya yang juga Ketua Laboratori, Institut Pengajian Sains Sosial, UPM.

Dalam program bertujuan memperkasa belia dan sayang OKU itu menampilkan Timbalan Presiden Orang Kota Bharu OKU, Mohd Hafiz Halim sebagai penceramah yang juga OKU penglihatan.

Program enam jam itu memberi keyakinan dan kesedaran kepada pesakit OKU, keluarga dan pelajar tentang kepentingan penerimaan OKU dalam masyarakat.



Masyarakat negara ini perlu menerima dan memberi sokongan kepada golongan OKU

Dr Nor Wahiza
Abdul Wahat

Serdang

'Saya terima saja apa orang nak cakap'

"Saya terima saja apa orang nak cakap," itu kata Roslan Sardi, 40, bapa kepada Siti Nuraisyah Sharin, 13, atau Ecah mengenai komen negatif pengguna Facebook (FB) selepas Ecah menerima hadiah set alat muzik drum daripada Perdana Menteri, Jumaat lalu.

Roslan berkata, komen yang dilontarkan individu yang tidak bertanggungjawab di media sosial itu bagaiakan tiada pedoman.

"Saya tidak sakit hati dan hanya ketawa selepas melihat komen mereka. Saya tidak rasa untuk membela komen itu kerana tidak mahu beremosi dengan melayan mereka yang tidak tahu

apa-apa.

"Permintaan itu dibuat selepas Datuk Seri Najib Razak meminta Ecah membuat pilihan sama ada memilih piano atau drum sebagai hadiah," katanya selepas program Komuniti Inklusif Sri Serdang di Institut Pengajian Sains Sosial, Universiti Putra Malaysia (UPM), di sini, semalam.

Menurutnya, Ecah memilih dram kerana meminati pemain dram cilik, Nur Amira Shahira Azizul Abidin, 13, dari Pulau Pinang yang sudah memenangi pelbagai pertandingan.

"Jangan terkejut kalau adik Amira dan Ecah membuat persembahan bermain dram satu hari

nanti kerana itu adalah minatnya dan tidak mustahil dia boleh buat apabila memiliki kakak palsu tidak lama lagi," katanya.

Ecah yang putus kedua-dua kakinya akibat digilis lori dalam kejadian 18 Januari lalu, bagaimanapun apabila permintaan diajukan kepada Perdana Menteri dalam pertemuan mereka ditunaikan.

Ecah berkata, dia akan berusaha untuk memahirkannya dengan bermain alat muzik itu dan semakin yakin dengan dirinya untuk berhadapan dengan masyarakat selepas menjalani program seminar komuniti itu semalam.